

Q. K.
416
9

II n
8179

Histori odder das war= hafftig geschichte/des leydens

und sterbens Lienhart Keyfers seligen / etwo pfara
rers zu Wayzentirchen / vom des heyligen
Euangelij vnd Göttlicher warheyt we
gen zu Passaw verurtheylet / vnd zu
Scherding verbrant / Am Frey
tag nach Laurentij / Im Jar
D. D. XXVII.

Item ein trostbrieff Do= ctor Martini Luthers / gemeltem Lienhart Keyfer

seligen ynn seynem gesencknis zugeschickt.

Matthaei: x.

¶ Fürchtet euch nicht für denen / die den leyb tödten / vnd die
seele nicht mögen tödten. Auch ewere hare auff dem haube
sind alle gezelet. Wer mich bekennet für den menschen den
wil ich bekennen für meynem Vater ym hymel. Wer mich
aber verlaugnet / den wil ich auch verlaugnen für meinem Va
ter ym hymel.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)

Faint, illegible text, possibly bleed-through from the reverse side of the page. The text is mostly obscured by water damage and fading.



LIBRARY
UNIVERSITY OF
SAXONY-ANHALT



Die histori Lienhart Key sers zu Scherding verbrant.



Vnter vil andern/die yn diser gnadenreychen zeit/darynn vns Gott gnediglich durch seyn heyliges Götlichen wort heymgesucht hat/erleucht sind/ist ein fromer Priester mit namen Lienhart Keyser von Rab/Pfarrer zu Weyzenkirchen/drey meyll vñ Scherding gelegen/ungeferlich fur dreyen Jarn / ynn des Bischoffs von Passaw gesencknis/ von wegen seiner lere vnd Götlichen woorts/so er yn seiner Pfarr gepredigt komen/darinn gestreng gehalten / vbel gehandelt vnd gepeynigt worden/damit man yhn vermeynt hat/von seinem glauben abzuwenden/vnnd zum widderuff seiner lere zubringen. Aber er hat sich solchs alles nicht bewegen noch abwenden lassen/sondern was auch do zumal/ des starcken vertrauens zu Gott vnd der bestendigkeit / das er auch ehe darüber den todt gelitten/ehe ehr seine lere wideruffen hette. Ward aber durch seine freunde (als er dan eins guten geschlechts gewesen ist) auff dis mal erbitten vnd ausgelassen on alles widderruffen/doch ward yhm von dem Bischoff/zu leren vnnd zu predigen an dem ort/vnd wie vor/verbotten. Darumb er sein Pfarr verliesse/vnd hinwegt zoge/erst gen Wittenberg zu studirn/vnd der heyligen schrift sich recht vnnd wol bey den Christlichen Lerern zu erkündigen/wie er dann ganz fleysig gethan/vnd solch seines fleis auch vnstrefflichen lebens/bey gemelte herrn vnd andern glaubwürdigen leuten ein gut zeugnis hat / als wol zusehen ist yn dem trostbrieffe Doctor Martini Luthers yhm zu geschrieben/der zu ende dieser histori gedruckt ist.

Als er nu von Wittenberg wider heim zu seinen freunden fur einem halben Jar ungeferlich komen ist / vnd sich eyn zeys lang bey fromen redlichen leuten enthalten/ist er auff bit vnd

ansuchung etlicher Christen / Auch nach dem Exempel da
Aposteln Christi Actu. 5. widder auffgetreten vnd etlich pro
dig gethan / Doch nicht an dem ort / da er vormals geprediget
hat / vñ yhm verbotten was / Das ist fur den Bischoff Comen /
der hat yhn von stundan gefencklich annehmen / vnd yñ einen
peynlichen Kercker werffen lassen / darynn er dann die zeyt her
gelegen / versucht vnd gepeinigt worden ist / bis auff den zehen
den tag des Hermons. do ward er als ein vbeltheter auff sei
ner lere bekantnis fur gefurt / nemlich fur des halsgerichts
offne schrancken / die zu Passaw am hoff fur dem Capitelhaus
bey S. Steffan auffgericht waren / darinn dan sassen hernach
geschriebene person.

Der Bischoff zu Passaw.

Der Weychbischoff zu Passaw.

Der Weychbischoff von Regenspurg.

Der Probst von Sanct Nicolaus.

Der Abbt von Alberspach.

Der Probst von Süben.

Der Abbt von Altach.

Doctor Eck von Ingolstadt.

Doctor Fröschel Thumbherr zu Passaw.

Der Official zu Passaw.

Doctor Kamelspach Predicant da selbst.

Fur diesen Rath vnd versammlung ward gedachter Lien
hart gefurt / vñ mit yhm ein Pfaff / der vns ander ursach dan
ber lere halben / vom Bischoff gefangen / vñnd fur etlichen tag
gen / auch mit yetz gemeltem Lienhart Degradirt (wie sie es
nennen) was worden / das ist / man hette yhnen beyden nach
Bepflichem rechten die weihe abgenommen / sie entweicht / das
sie dem weltlichen gewalt möchten vberantwort werden / Di
ser hat yhm nach dem exempel des seligen schechers / seiner vns
schuld auch ein zeugnis geben / gesagt öffentlich. Ich hab den
todt wol verschuldet / vnd hette yhn vorlangst wol verdienet
aben

Über dieser fromt Christ leyb unschuldig/ vnd ich bin nie werck
das ich neben yhm stehe sol/hat auch den Bischoff ein Tyrann
nen vnd bluthund geheysen/darumb das er/nicht yhm/sonder
des menschen/vernempt des Keyfers/ unschuldig blut furhet/
zu verurteylen vnd zu vergiessen. Gab er yhm kein antwort
darauß/so wollen wir auch yetzt nicht weyter von yhm sage/
Sondern wie es mit dem Keyser seligen ergangen ist.

Als er also fur gericht/wie ein vbeltheter stunde/wurden
seine Artickel/die er geleret vnd bekant hette / yhm fargelesen
öffentlich / das meniglich höret / Auff die er auch ganz gute
vnd Christlich antwort gabe/vñ sie alle da öffentlich als was
re vnd Christlich bekant/wie sie hernach volgen.

Die Artickel Lienhardt

Keyfers seligen.

Der erst/ Der mensch wird allein durch den glauben fur Gots
gerechtfertigt/on zu thun der werck.

Der ander / Er halt nicht mehr dann zwey Sacrament / den
Tauff vnd das Sacrament des leybs vnd bluts Christi.

Der dritt. Die Mess ist kein opffer fur die lebendigen/vñ kein
nütz den gestorben.

Der vierd. Er hat ym zweyen iarn kein Mess gelesen.

Der funfft. Er hat das Sacrament zu Wittemberg ym bey
der gestalt genomen/wie es Christus eingesetzt hat.

Der sechst. Das Euangelium sey ym Teutscher nation vnter
den Besten nie recht noch lauter gepredigt worden/wie es
Christus befolhen hat:

Der siebend. Die Buß ist kein Sacrament/wann die schriefft
thut kein meldung darvon.

Der acht. Die orn beicht ist kein gebot/sondern nur ein rath.

Der ix. Christus ist alleyn die genugthung fur vnser sund.

Der x. Die gelübde der Mönch vnd Pfaffen sind nicht zuhal
ten/vnmüglich ding sey nicht zu geloben.

Der xi. Die blutsipschafft verhindert kein Ehe / on wie es die

A. iij.

Schriſt anzeyge:

Der xij. Es ſey kein vrsach die Ehe zuſcheyden/ dan allein die
hurerey vnd Ehebruch/ Der ſchuldig teyl ſol nicht mehr heyrat
ten oder freyen/ der vnschuldig teyl mag wol heyraten.

Der xij. Olung vnd Firmung ſind kein Sacrament.

Der xiiij. Er weys vmb kein ſegfewer nicht / wann die ſchriſt
thut kein meldung darvon.

Der xv. Es ſey ein eyniger mitler zwilchen Got vnd dem sun
der/ das iſt Chriſtus/ der hat allein gnug fur vns gethan/ dar
umb helt er nicht vom anruſſen der heyligen.

Der xvi. Alle tag ſind gleych fur Gott.

Der xvij. Durch das blut Chriſti ſind alle Chriſten von allen
geſezen frey/ vn̄ nach dem fleiſch yederman vnterthenig

Der xvij. Der menſch hat kein freyen willen ynn Götlichen
dingen/ was der ſelen ſeligkeit betrifft.

Diſe ſind die haubt artickel/ dann der andern waren mehr/
man mocht yhr aber von wegen des behenden leſens/ vnd von
dem getümel des volcks/ das da was/ nicht anffzeychenen noch
eben mercken/ iſt aber gar nichts daran gelegen.

Nach dem nun die artickel verleſen / vnd vom Keyſer be
kant waren/ ſind ſie all zumal fur ketzeriſch ynn diſem rath er
kant worden/ vn̄ der Biſchoff hat darauff offtgemelten Lien
hart ſeligen/ der ſolch Artickel/ als Chriſtlich geglaubt/ gelert
vnd bekant hette/ vnd noch geſtünd/ als ein ketzer zum ſewer
ſelbs perſonlich verurteylet. Darauff hat der verurteylet Lien
hart gantz demütig zum Biſchoff ſein vnschuld an zuzeygen/
vnd fur Gottes geſtrengem urteylet meniglich vnd ynn ſon
derheyt alle die vber das blut richten zu warnen/ alſo geredt.

Gnediger herr/ wölt yhr dann alſo tyranniſch mit mir ſaren /
glaub ich doch diſe artickel fur mich allein/ vn̄ wie wol ich die
auff meiner pfarr auch alſo gepredigt / ſo hab ich doch nie
mands darzu gezwungen oder genöttet/ wil mich auch ein ye
den gern weyſſen laſſen/ der mich mit der heyligen ſchriſt be
ſſers leren kan/ yhm ward aber darauff kein antwort/ ſondern
man füret yhm ſampt dem andern widder ynn ſeſencknis.

Darnach

Darnach am Mittwoch nach Laurentij morgens früh kamen die Landschergen von Scherding wol gerüstet vnd gewappent ynn schloß zu Passaw / den gab man den Keyser seligen / vnd sie bunden yhn mit stricken vnd ketten / bewarten yhn gantz wol / das er yhn ia nit möcht entrinnen / vnd furten yhn also gebunden auff ein pferd gen Scherding. Vnd do sie yhn nun gen Scherding brachten / vnd ritten mitten durch ein gassen mit yhm fur die kirchen / auff das nechste zu der schergergen stuben da war ein grosse menig des volcks zusammen geloffen yhn zusehen / war yhm seyn rechte hand noch ein wenig ledig / das pferd zu leyten / damit name er sein schwarzē hut fur dem volck ab vnd grüßet sie gantz freundlich zum funfften mal / biß das er ynn den hoff fur der Schergergen stuben kam / da selbst sahe er gen hymel auff vnd sprach / Ach Gott mein Gott wie bistu so eyn wunderbarer Gott / das du mich widder hieher lassst bringen / dan er war vormals auch da gefangen gelegen / Vnd man kennet yhn als eyn Prediger da zu Scherding seer wol.

Do man yhn nun yñ die schergergen stuben gebracht / vnd mit eysenen ketten vnd banden gantz wol gebunden vnd verward hette / verbut die oberkeit / aus befehl des Bischoffs zu Passaw den knechten so sein hüteten / das sie niemandt zu yhm lassen solten / damit er nit yemandt möcht vnterweysen vnd bekeren / dann er war ein geleter man / vnd hette grosse gnade das götlich wort zu leren vnd zu verkünden. Er ließ auch aus seynere gefencknis dem Bischoff zu entbieten / yhn das letzte mal zu warnen vnd getrewlich zuermanen das er sich solt wol bedencken / vnd fur sich sehen auff das er nicht vnrecht thete / vñ sich an dem Christlichen blut vergriffe. Des selben tags kamen zu yhm seine leibliche brüder / die bemüheten sich hart / hetten yhn gern als blut freunde / bey dem leben behalten vnd ledig gemacht / wo sie es hetten von dem Bischoff zu wegen bringen vnd erlangen mögen / Aber es halff wider bitten noch gelt / sterben solt er vnd must / darzu er dann gantz willig vnd bereyt war.

Am Freytag nach Laurentij hernacher des morgens frü
umb

umb sieben vhr furten yhn die drey hencfer aus zu Scherding
zu dem feur/das yhn bereyt was/darinn er sterben solt / das
war nicht weyt von der stat Scherding/naher bey dem fließen
den wasser/ Im genant/da brachten sie yhn hyn / vnd er was
frölich vnd vnerschrocken/on zweyffel von dem **HERRN**
getröst/der die seinen ynn keyner not verlest.

Die weyl nun die hencfer yhn vnd das feur zu bereyten
bath er ganz fleysig vnd demütig alles volck / sie solten yhn
umb Gottes willen verzeyhen/hette er ye ichts wider yemand
gethan/er hette von hertzen allen menschen auff erden/so wid
der yhn gethan hetten/vnd noch thun würden/verzeyhen.

Do tratten seine leybliche brüder zu yhm von denen nam er
vrlaub/gesegnet sie / vnd bath sie ganz fleysig/sie solten von
seines tods willen gar nichts anfahen / die sach Got befehlen/
der würde alles vnschuldig blut zu seyner zeyt gar ernstlich re
chen vnd vrteylen die es vergossen hetten/ Tröstet sie auch vil
sprach/seyt frölich vnd getröst/dann auch der geyst ynn mir
ganz bereyt ist zu leyden / wie wol das fleysch schwach ist/
doch bin ich gewis/das mich mein Herr nicht verlassen wirdt.
Vnd er bath das volck/das sie wölten/wenn man yhn ynns
feur würffe singen/Kom heyliger geyst / das geschache auch/
wie ers Begeret.

Als nu alles bereyt war/vnd der selig Marterer Jesu Chri
sti sein gebet gesprochen/seine brüder vnd alles volck gesegnet
vnd also von dieser welt sein abschied genommen hette / namen
yhn die hencfer/bunden yhn creutz weis auff die leytern/ vnd
stießen yhn ynns feur. Do fieng er an/Christum anzurüffen/vn
alles volck fieng an zusingen/wie er Begeret hette / Kom heylig
ger geyst zc. Der hat yhn auch ynn all seinem leyden mit der
warheit getröst/das er ganz bestendig bis ans ende bliben ist/
durch die gnad Ihesu Christi.

Es begab sich aber/das die strick von yhm gesprungen wa
ren/vnd er noch ynn feur / lebet / das er sich auff einer seyten
aus dem feur hinaus wölzet / vnd yhn die hencfer mit hopen
ffen

ffen stangen die nahend furhanden waren/widder ynnis feur
schoben/do ist er auff der andern seyten widder hinaus gewal
tet/vnd alda haben yhn die hencfer erst also lebendig zu stü
cken zuhawen/vnd die stück yns feur geworffen/sie mochten
aber nicht verbrinnen / sondern nach dem das feur gar vers
brunnen/vnd die stück noch vnuerbrunnen waren/namen sie
die hencfer vñ warffens ynn den Jun. Aber etlich namen die
brendt vnd der aschen/vnd trugens mit yhn wegt.

Also ist des seligen Lienhart Keyfers alter mensch od
der fleisch zu stücken gehawen worden / ertrenck
vnd verbrandt / Sein geist aber lebet vnd
wird yhm Gott den leyb endlich auch
widder aufferwecken / vñ verklären
das er mit yhm ewigklich lebe/
Als dann werden die Gott
losen sehen ynn wen sie
gestochen haben.

Gott sey lob/ehre/ vnd preys
ynn seynen heyligen / vnd verleyhe vns
allen ein seliges ende. **A M E N.**



Ein Trostbrieff Doctor

Martini Luthers gemeltem

Lienhart Keyser seligen ynn seynem
gefencnis zugeschickt.

B

Dem würdigen Herren
Lienhart Keyfers gefangen die-
ner Ihesu Christi/ meynem ym Herrn ge-
liebten Bruder.



Gnad / sterck vnd fride ynn
Christo/ wünsch ich dir meyn lieber Lienhart/
das dein alter mensch gefangen / ist / der will
vnd beruff Christi deines Heylands/ Der auch
seinen newen menschen fur dich vñ deine sund
dar geben hat ynn die hende der Gottlosen /
das er mit seinem blut dich erlöset zum bruo-
der vnd miterben des ewigen lebens. Uns ist ia leyd fur di-
ch thun auch vleys vñnd birten / das du ledig werdest / nicht
vmb deynet willen / sondern das du vielen mögest nutz seyn /
Gott zu ehren wo es sein will ist. Ist aber der will ym hymel
nicht das du ledig werden solst / So bistu doch frey sicher ym
geyst/ sich nur das du starck seyest vnd bestendigklich/ die sch-
wacheit des fleyschs vberwindest / odder ia gedultig tragest
durch die krafft Christi/ der mit dir ym Kercker ist/ vñnd wird
auch bey dir sein ynn aller not/ wie er dann gar freundtlich vñ
trewlich verheyst/ Psal. 91. Ich bin bey yhm ynn der not. Dar-
umb ist not / das du mit ganzer zuuersicht zu yhm schreyest
ynn gebet/ vnd mit den trostpsalmen dich auffrichtest vnd er-
haltest/ yñ diesem grymigen zorn des Satans / das du mögest
ynn Herrn gesterck werden / vnd nicht ichts zu gering oder zu
weych den zehnen Behemoth redest / als werestu vberwunden
vnd furchtest seinen hochmut / ruff Christum getrewlich an/
der vberal gegenwertig vnd gewaltig ist / Biete darauff dem
Sathan trotz/ vnd spotte seines uermuts vnd bochens/ dann
du bist gewis / das er dir nicht schaden kan/ wie seer er bochet
vnd

und sich grausam stellet / Dañ also sagt Sanct Paulus Ro-
ma. 8. Ist Gott fur vns / wer mag widder vns seyn. ⁊ psal. 8.
Alle ding sind vnter sein füs gelegt / er kan vñd will helffen
allen die angefochten werden / der auch allenthalben versuchs
ist worden. Also mein allerliebster bruder / sterck dich yñ dem
Herrn / vñd sey getrost yñ seyner großmechtigen krafft / auff
was du / erfarest / tragest / liebest / vñd lobest aus gutwilligen
hertzen / den veterlichen willen Gottes / Rom. 12. du wer-
dest ledig odder nicht. Das du aber solches vermö-
gest / zu ehren seines heiligē / Euangelij / das wöl-
le yñ dir wircken der vater vñsers Herrn
Ihesu Christi nach dem reichthumb
der herlichkeit seyner gnaden / der
ein vatter ist der barmher-
zigkeit / vñd ein Got als
les trosts. Amen.

Yñ dem wöllest dich wol
gehaben / vñd fur vns auch bitten.
Geben zu Wittenberg am Montag nach Cantate
Im. M. D. xxvij. Jar


Martinus
Luther.

AKT no 179

X2206533

nc





B.I.G.

Farbkarte #13

Q.K.
416
9

II n
8179

**Hystori odder das war=
hafftig geschichte / des leydens
vnd sterbens Lienhart Keyfers seligen / etwo pfara
rers zu Wayzentirchen / vonn des heyligen
Euangelij vnd Göttlicher warheyt we
gen zu Passaw verorteylt / vnnnd zu
Scherding verbrant / Am Frey
tag nach Laurentij / Im Jar
D. D. XXVII.**

**Item ein trostbrieff Do=
ctor Martini Luthers / gemeltem Lienhart Keyfers
seligen ynn seynem gefencknis zugeschickt.**

Matthaei: x.

¶ Fürchtet euch nicht für denen / die den leyb tödten / vnd die
seele nicht mögen tödten. Auch ewere hare auff dem haubt
sind alle gezelet. Wer mich bekennet für den menschen den
wil ich bekennen für meynem Vater ym hymel. Wer mich
aber verlaugnet / den wil ich auch verlaugnen für weinens Va
ter ym hymel.

BIBLIOTHECA
PONICKAVIANA

UNIVERSITÄTS-BIBLIOTHEK
HALLE
(SAALE)